

# 孫中山先生抵南京

胡漢民原著。張谷敬註

## 國父返抵上海盛況

余隨先生至滬、英士、克強俱來迎，相勞苦。  
（按胡氏係指同盟會同志、開國元勳陳其美、英士是年五月，由滬入粵，觀察三月廿九敗後一切情勢，過港與南方支部同志相見，為余識英士之始。——胡氏原註。）更見精衛（即抗戰期間變節降敵之汪兆銘，字精衛。）則真如隔世。二人俱狂喜，至相抱而踊。精衛於湘、鄂等省反正時，得出獄，果如孫先生所預言（汪精衛曾因諜刺遜清攝政王載灃，被捕繫獄，判永遠監禁。）聞吳祿貞（遜清第六鎮統制，即今之師長。）

京南抵生先山中孫

將起兵，輒走從之，中途知吳遇刺於石家莊，乃折回天津，與天津同志有秘密之運動。袁世凱起任事，其子克定驕弛以太原公子自任（唐太宗李世民乘隋末天下大亂，勸他父親太原留守李淵舉兵征服四方，成一統之業。）精衛亦陰結之，事聞於袁，則私見精衛，謂非常之舉，非兒輩所知

，而自輸誠於民黨。既而南京亦光復，精衛乃至滬。時清庭與袁世凱使代表議和者為唐紹儀，各省革命軍之代表，則為伍廷芳同志，更推精衛與王正廷、王寵惠、溫宗堯、胡瑛參贊其事。唐亦時與精衛密商，不拘形迹也。

國內同志以先生既歸，乃共謀建立政府，舉先生為總統。時章炳麟（太炎）、宋教仁（鈍初）已先在滬，章嘗倡言若舉總統，以功則黃興，以才則宋教仁，以德則汪精衛，同志多病其妄。章又造為「革命軍與，革命黨消」之口號。蓋章以革命名宿自居，恥不獲聞大計。其在東京破壞軍器密輸之舉，黨未深罪之，章仍不自安，陰懷異志。江、浙之立憲派人，如張謇（遜清末代狀元）、趙鳳昌（張之洞幕客，招商局總辦）、湯壽潛（民初浙江都督）之屬，陽逢迎之章喜，輒為他人操戈，實已叛黨。鈍初（即宋教仁）居日本，頗習政黨縱橫之術，內挾克強為重，外亦與趙、張、湯化龍（湖北諮議局局長）、熊希齡（東三省清理財政官兼鹽運使，兼由鹽局督辦）相

結納，立憲派人因樂之以進，宋之聲譽乃驟起，故章炳麟才之。然終以黨人故，克強不敢奪首領之地位，鈍初始欲戴為總統，已為總理，至是亦不得不服從黨議，然仍主張內閣制。以克強光復諸省，由革命軍首領派代表者，悉同盟會黨員，祇直隸、奉天為非黨員。選舉及組織政府問題，當然由黨而決，遂開最高幹部會議於先生寓邸，討論總統制與內閣制之取舍。先生謂：「內閣制乃平時不使元首當政治之衝，故以總理對國會負責，斷非此非常時代所宜。吾人不能對於惟一置信推舉之人，而復設防制之法度。余亦不肯徇諸人之意見，自居於神聖齋祀，以誤革命之大計。」時列席者，為余與精衛、克強、英士、鈍初、靜江（張人傑）、君武（馬君武，同盟會員，辛亥革命後任廣西省代表。）覺生（居正）等，靜江率先對曰：「善！先生而外，無第二人能為此言者，吾等惟有遵先生之意而行耳。」眾皆翕然。翌日，鈍初等即入南京，由各省代表開選舉大會，省占一投票權，共十五省，先生以十四票，

當選為中華民國臨時大總統（按當時參加投票，為十七省代表，總理實以十六票當選）並決定總統於陽曆一月一日就職。（投票當選三日後）。余急就旅滬之廣、肇、潮、嘉同鄉，募捐得軍資七十餘萬。一九一二年一月一日，先生入南京，行總統就職禮，改元為中華民國元年。民國政府成立，而滿清二百六十八年之政府以亡，中國四千餘年君主專制政治亦以廢。

從來中國歷史家論一代政府之傾覆者，輒曰：「人心已去，事無可為」，此於滿清之亡為尤劇！中流之士固多有發憤亡秦之志，而民衆亦既厭且憎，即其文武大僚從得祿位，當與共休戚者



辛亥年冬 國父返國抵達上海時攝。

亦更不為之效忠致力。革命軍起，封疆大臣輒望風竄走，否則樹降旗以求自保。仲愷（廖仲愷）告余，謂「陳昭常（遜清吉林巡撫，謀刺遜清籌辦海軍大臣載洵的革命烈士熊成基，即死於其手）。在東三省，聞南軍戰勝則喜，聞清軍戰勝，反感戚然也。」故是時種族之辨，真齷齪有當於人心。而載灃（宣統之父，遜清攝政王）輩惟親貴是用，失其控馭之術，固自速滅亡，然此殆亦無關宏旨。洪楊時代，以天父天兄之迷信，反對儒教，知識階級乃羣起敵之。君臣天澤之舊說，為曾國藩、胡林翼輩挾以對抗民族主義，使清室亡而復存，其他為滿洲城守死節者，亦相望於道。至辛亥革命，而

一切呈相反之現象，以此較衡，可知排滿宣傳戰勝一時之思想者，實為根本之成功。其次，軍隊為政府最大之保障，滿洲入關，嘗數度因變故而改革擴充其兵制，即賴此以復振。及其末造，更治新軍，乃不惟不效，且以自殺，則以革命黨之軍隊運動，為能破壞之。新軍之制，以德與日本為師，比於旅兵防營為遠勝，且徵募良家

識字者為之，同盟會會員則正以此而得應募入營。各省光復，大抵以清之新軍為先鋒，此亦推翻清廷，成功革命之重要因素也。

### 臨時大總統府之組成

先生入南京，即日發表宣言，統一各省軍事，民政、財政、以及漢、滿、蒙、回、藏五族統一而為共和國之旨。就職誓詞，則言：「誓覆一姓專制之政府，至民國鞏固，憲政告成，即返初服。」布告全國，廢除滿清一切法令。令禁毋得買賣男女及奴隸他人者。凡中華民國人民，人人自由平等。以主權在民之原則，著於約法。諭北上將士，毋為一姓效力，抗命民國。先生以余為總統府秘書長，各部之組織，則採納克強意見。其人員如次：陸軍部長黃興，次長蔣作賓，內務部長程德全（遜清江蘇巡撫，民國首任江蘇都督）。次長居正；外交部長王寵惠，次長魏震組；財政部長陳錦濤（遜清度支部次官，亦即財政部次長）。次長王鴻猷；海軍部長黃鍾瑛，（遜清海籌艦管帶，臨時艦隊司令，在九江歸順革命軍）次長湯壽潛；司法部長伍廷芳（遜清刑部侍郎，迭任出使美、墨、秘等國大臣）。次長呂志伊；教育部長蔡元培，次長景耀月，實業部長張謇，次長馬君武；交通部長湯壽潛，次長于右任。部長只陸軍，外交、教育為同盟會黨員，餘則清末大官，新同情於革命者也，惟次長悉為黨員。內務初提鈍初，以其營主內閣制，並欲自為總理，故參議院不予通過，（初由各省代表會行參議院職權，閣員須得其同意，著為約法，其

京南抵生先山中孫

部長兼參謀總長黃興  
在南京協助 國父成立臨時大總統府的陸軍



民初政壇要角，力主責任內閣制，後遭  
國父否決的宋教仁。



覆亡，亦無由發展，非所以代表  
民意也。」定都南京之議，參議  
院不同意，謂不足以控制東北。  
蓋太炎，鈍初反對最力，以為遷  
都南京，即放棄滿、蒙、（太炎  
於南京追悼陣亡將士，製輓聯云  
：「羣盜風竊狗偷，死者當不瞑  
目；此地龍蟠虎踞，古人畢竟虛  
言。」蓋不憚公然為反革命之言  
論。）參議院惑於其語。先生召  
克強至總統府，讓之，克強亦謂  
黨中不應有異議。先生遂召集院  
中同志黃復生，（與汪精衛同刺

後因之。）而改用程德全。程以清江蘇巡撫，於  
南京未破時，樹義旗反正者。克強推薦張謇或熊  
希齡長財政，先生不可，曰：「財政不能授他派  
人，我知瀾生（按係陳錦濤字）不敢有異同，且  
曾為清廷訂幣制，借款於國際，有信用。」於是  
用陳。亮疇（按係王寵惠字）以資格不足，欲辭  
。先生曰：「吾人止當破除所謂官僚資格，外交  
問題，吾自決之，勿怯也。」然張、湯僅一度就  
職，與參列各部會議，即出任上海租界。程固於  
租界臥病。伍以議和代表，不能兼部務。陳日經  
營借款，亦常居租界。故五部悉由次長代理。部  
長之負責者，黃、王、蔡耳。時戰事未已，中央  
行政不及於各省，各部亦備員而已；獨克強兼參  
謀總長，軍事全權，集於一身，雖無內閣之名，  
實各部之領袖也。克強以三月廿九日之役及漢陽

督師，聲名洋溢於黨內外，顧性素謹厚，而乏遠  
大之識，又未嘗治經濟政治學，驟與立憲派人遇  
，即歉然，自以為不如。還視同盟，尤覺暴烈者  
之祇堪破壞，難與建設，其為進步歟？抑退步歟  
？克強不自知也。既引進張、湯為收縮紳之望，  
楊度（民四洪憲帝制之幕後策劃人）、湯化龍、  
林長民（俱立憲派巨擘）等，方有反革命嫌疑，  
亦受克強庇護，而克強之政見，亦日已右傾。  
余治總統府文書，大小悉必過目。四方有求  
見先生，必先見之，忙勞彷彿在粵時。余與先生  
同寢室，每夜余必舉日間所施行重要事件以告，  
其未遽執行者，必陳其所以，常計事至於達旦。  
姚雨平（廣東北伐軍正司令，為廣東首任都督本  
文作者胡漢民之部屬。）所部既渡江，先生中夜  
謂余曰：「子留守，余明日渡江擊賊矣！」余力

言：「兩平軍精銳，必能破張勳，（遜清會辦南  
洋軍務大臣，護理兩江總督。被民軍逐出南京後  
，盤踞徐州，始終與革命政府為敵。）無須先生  
自將，而他軍則難以為繼。先生以偏師進，不止  
乘危，且無異舉吾弱點以示敵。」先生乃止。庶  
務長沈某，自稱內務大臣，招搖於外，又強役民  
間車馬，不予值，余執付江蘇都督莊思緘（莊蘊  
寬的號），誅之。繼者為應夔丞（民國二年，應  
被袁世凱使人收買，刺殺宋教仁於上海北站。）  
兼衛隊長，漸跋扈。余欲並誅之，先生不可，乃  
擬其職，而以朱卓文代（其後曾涉及刺廖仲愷一  
案）。參議院議員以同盟會佔大多數，顧狃於三  
權分立之說，好持異議，余常以政府委員出席，  
諷為言：「今為革命非常時期，截亂未遑，議院  
不能置充分信任於政府，而反掣其肘。華盛頓抗  
英初期之故事，可以為鑑。即不

攝政王者。李伯申、鄒家彥等，為評言其得失，則皆唯唯。依參議院法，須政府再交院議，始能推翻原案。鄧、黃等以是請，克強遂曰：「政府決不為此委曲之手續，議院自動的翻案，盡於今日。否則吾將以憲兵入院，縛所有同盟會員去。」是日，適祭明孝陵，遂請先生俱上馬出府，余稱病，不從行，而就府中草文書，交院再議，一面飛騎白先生。迨先生祭陵歸，此事已解決，先生不予罪也。一日，安徽都督孫毓筠以專使來，言帶餉奇急，求濟於政府。先生即批給二十萬。余奉命主財政部，則金庫僅存十洋。總長因在滬，次長愈徬徨無策。余乃提取粵北軍款六萬餘，更益以他款為十萬元，予之。而皖使以初見先生批，繼減其半數，反以為予斬之也。余在秘書，提倡平實簡易之文，布告北方將士，初使秘書雷鐵錚屬稿，詞頗艱深。余謂此當使人共喻，如布帛菽粟，無取矜奇，因屬任秘書鴻鵠改作，雷不悅，即檄被出府，並為詩自嘲曰：「十年革命黨，三日秘書官。」名士氣深如此，難乎其為黨服務矣。張謇薦其徒十餘人於秘書，余悉不用。張揚言於滬，指余為第二總統。精衛以告，且曰：「惟負責，故有此謗，毀之適以譽之耳。」

### 袁世凱的竊國陰謀

當時最大問題，無過議和。議和之目的，在清帝退位，而清室以取得優待為條件，袁世凱則以取得政權為條件。袁一方挾滿族以難民黨，一方則張民黨以迫清廷，時人謂之新式曹操。清廷主戰者，惟良弼（遜清軍諮府軍諮使，是袁世凱之死敵。）正月廿六日，為同志彭家珍炸斃，清

親貴皆膽落。而段祺瑞（袁世凱麾下第一員大將，第一軍軍統，湖廣總督）領銜，北方將領四十餘人，贊成共和，則實承袁之意志為之，其性質與張紹曾（遜清前二十鎮統制，宣撫大臣），藍天蔚（遜清第二混成協協統，即今之旅長）。殊蓋為袁不為漢也。優待條件非民國所宜有，留尊號於別宮，聽其竊以自娛，雖曰等於兒戲，仍足惑人視聽。又許以數百萬歲費，為遜讓之報酬，使廢朝之皇族，猶有所養，可云過厚不當。然此猶於革命之得失，無關宏旨。至舉政權讓之專制之餘孽，軍閥之首領袁世凱其人，則於革命主義為根本矛盾，真所謂「鑄六州之鐵，成此大錯」矣！先生始終不願妥協，而內外負重要責任之同志，則悉傾於和議，大抵分為三派之說：其持中國固有之宗法論理想者，則曰：「名不必自我成，功不必自我立，其次亦功成而不居。」其持歐西無政府主義者，則曰：「權利為天下之罪惡，為政權而延長戰爭，更無可以自恕。」（當南北爭持至烈時，李石曾以長電駁詰南京政府，一若祇須清帝退位，吾人即萬事不宜深問者。）其僅識日本倒幕維新，而不覺修正改良派社會主義之毒者，則曰：「武裝革命之時期已過，當注全力以爭國會與憲法，即為鞏固共和，實現民治正軌。」余集諸人意見，以陳於先生。先生於時，亦不能不委曲以從眾議。更就客觀環境而言，則鄂省實已與袁講解，北方得集中其力以向南京。南京軍隊隸編於陸軍部者，號稱十七師，然惟粵、浙兩軍有戰鬥力。粵軍不滿萬人，持以擊退張勳及北洋第五鎮於徐州。浙軍將領（朱瑞等人），則素反對克強，不受命令，陸軍部不能加以

縛制。其他各部，乃俱不啻烏合，不能應敵。蓋當時黨人對於軍隊，不知如法國革命及蘇俄革命時所用之方法，能破壞之於敵人之手，而不能運用之於本黨主義之下。由下級幹部驟起為將，學問經驗，非其所堪。又往往祇求兵數增加，不講實力，此為各省通病，而南京則尤甚也。

軍餉更為重要問題，各省方憂自給不足，遑論供給政府？千萬之公債，雖通過參議院，而未嘗得一錢以應急。財政部日謀借債，俄債千萬，幾有成議，為參議院所拒否。日商之款五百萬，則為滙豐銀行抵制，至不能成交，實受帝國主義者之打擊。先生主張厲行徵發，而克強難之。以南京之軍隊，紛無紀律，不能舉軍政時代一切之任務也。軍隊既不堪戰鬥，而乏餉且慮譴責。於是克強益窘，則為書致精衛與余，謂：「和議若不成，自度不能下動員令，惟有割腹以謝天下！」故精衛極意斡旋於伍廷芳、唐紹儀之間，而余則力挽先生之意於內。余與精衛二人，可云功之首，而又罪之魁！然其內容事實，有迫使不得不爾者，則非局外人所能喻矣。同盟會未嘗深植其基礎於民衆，民衆所接受者，僅三民主義中之狹義的民族主義耳。正惟「排滿」二字之口號，極簡明切要，易於普遍全國，而弱點亦在於此。民衆以為清室退位，即天下事大定，所謂「民國共和」則取得從來未有之名義而已，至其實質如何，都非所問。革命時代本有不能免之痛苦，聞和平之呼聲足以弛其忍受犧牲、繼續奮鬥之勇氣，故當時民衆心理，俱視福於和議。逆之而行，乃至不易。夫以有熱烈傾向於革命之羣衆，而不能使為堅強擁護革命之羣衆，此其責當由革命黨負

之，而亦為當日失敗之重要原因也。黨人且未完全認識其革命之使命，則於無組織訓練之羣衆，又何尤焉？

### 北京兵變和南京留守

清帝溥儀退位之宣言，由張謇起草，交唐紹儀電京使發之，乃於最末加「授袁世凱全權」一語，袁殆自認為取得政權於滿洲，而作此狡獪也。先生見之，則大怒責其不當，而袁與唐諉之清廷，且以其為遺言之性質，無再起死回生而使之更正之理。乃電南京，承認臨時參議院與總統為服從民國之表示，且通令各方各軍，悉改用民國旗幟。先生乃於南京參議院提出辭表，而推薦袁繼任臨時大總統。（參議院接受先生辭職文，比之盧斯福，而頌袁世凱當選，則比之華盛頓，其無識可笑至此。——胡氏原註）「就職南京」，為附加之重要條件；而精衛與蔡（元培）、宋（教仁）、劉（冠雄）賈使命北行，乃遇曹錕（袁世凱之親信，第三鎮統制）所部兵變恣掠，乃任袁將此條件打消。或謂袁實使所部變，俾藉口鎮攝，而免南下。顧蔡等無以察其偽，所謂「君子可欺以其方」也。第一次內閣，以唐紹儀為總理，兼得南北之同意。民黨廁身閣員者，教育蔡元培、司法王寵惠、農林宋教仁、工商陳其美（陳以上海軍事、未能就職，使次長王正廷代），蓋亦一混合內閣也。唐紹儀至南京，接收臨時政府，先生欣然受代。諸將以無所繫屬，皆不安，乃更置留守府於南京，以克強為留守。先生謂唐：「余不能為同志干祿，然有志留學於外國者，新政府當資遣之。」余以告秘書處同僚，則志願留學歐美者過半，余亦廁名其中。先生一見，即塗抹余名字，謂「國事未定，當留國內相從」，而其餘人授唐，余為之爽然若失也。（摘自胡漢民傳）

# 臺灣土地銀行

## 全國首創土地金融專業銀行

### 業務要目

△一般業務

甲種活期存款

乙種活期存款

通蓄存款

匯兌

### △專業放款

農業生產放款

扶植自耕農購地放款

土地改良放款

土地重劃放款

農田水利放款

漁業生產放款

耕耘機放款

房屋修建放款

國民住宅興建放款

### △其他

發行土地債券

證券交易

電話總機：三三三—一七五三三三

總行：北臺市館前路四十六號

全省各縣及市鎮均設分行

信竭 誠懇 卓服 善務 規歡 模迎 宏賜 大願